



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCXIV. ad annum CCCXLVI.

**Parisiis, 1644**

De Paschae Solennitate.

**urn:nbn:de:hbz:466:1-15072**

490 SILVESTER P.I. CONCILIVM CONSTANTINVS IMP.

CONCILIVM ROMANVM III.

QVOD SANCTVS PAPA SILVESTER  
CELEBRAVIT

<sup>b</sup>(PRÆSENTE CONSTANTINO AVGVSTO)  
in urbe Roma, intra thermas Domitianas, cum 275.  
episcopis, qui in ipsa Synodo conuenerant, vocati  
a beato Silvestro.

SILVESTER episcopus sanctæ & apostolicæ sedis vrbis Romæ dixit: Quidquid in Nicæa Bithyniæ constitutum est, ad robur sanctæ matris ecclesiæ catholicæ & apostolicæ, a sanctis sacerdotibus trecentis decem & octo, <sup>c</sup>nostro ore conformiter confirmamus. Omnes qui ausi fuerint dissoluere definitionem sancti & magni Concilii, quod apud Nicæam congregatum est <sup>d</sup>sub præsentia piissimi & venerandi principis Constantini Augusti, anathematizamus. Et dixerunt omnes: Placet.

DE PASCHÆ SOLENNITATE.

OMNIBVS episcopis & presbyteris præceptum est, Paschæ obseruantiam custodire a luna 14. vsque ad 21. ita vt Dominicus dies coruscet. Et dixerunt episcopi: Placet. Rursus Silvester episcopus dixit: Robustius duximus consilium, (si placet,) vt omnis episcopus qui conuenit ad Concilium, fidem suam chirographo confirmet, vt deinceps rediens ad parochiam suam, compaginem nostræ salutationis plebi suæ innotescat, vt fide Concilii declarata, intemeratus ordo seruetur. Et dixerunt episcopi: Placet.